

Reglement for driftsutvalet i Selje kommune

(Vedteke av Selje kommunestyre den 29. april 2009 sak 026/09)

1. Val og samansetjing

Kommunestyret vel driftsutval etter reglane i kommunelova § 10.

Driftsutvalet skal ha 7 medlemar.

Driftsutvalet sine møter er opne dersom ikkje anna følgjer av lovbestemt teieplikt eller vedtak gjort etter reglane i kommunelova § 31

2. Møteplan.

Driftsutvalet sine ordinære møter skal haldast i samsvar med vedteken møteplan.

Møteplanen skal godkjennast på kommunestyret sitt siste møte føregåande år, og skal omfatte eit kalenderår.

Leiar i driftsutvalet eller tre medlemar kan krevje ekstarordinært møte.

3. Arbeidsområde.

Driftsutvalet er politisk sakshandsamingsorgan for

- avdeling for kommunalteknikk
- avdeling for brann
- avdeling for Plan og Utbygging når det gjeld landbruks- og byggesaker.
- eigedomsavdelinga når det gjeld saker vedkomande drifta
- avdeling for oppvekst (skule, barnehage, skulefritidsordning, kulturskule, vaksenopplæring samt bibliotek).
- avdeling for helse og sosial

4.1 Kommuneøkonomi

Driftsutvalet handsamar økonomiplan og årsbudsjett samt årsmelding for dei avdelingane som er nemnde i punktet ovanfor. Utvalet kjem med tilråding til formannskapet i desse sakene.

Driftsutvalet har mynde til å flytte budsjettmidlar innan eit tenesteområde, men ikkje mellom tenesteområda. I det siste tilfellet skal saka gå frå driftsutvalet til formannskapet, og derfrå til kommunestyret (dvs. tre-trinns handsaming).

4.2 Rapportar.

Driftsutvalet skal ha økonomirapportar frå underlagte avdelingar (sjå pkt. 3 ovanfor)

Utvalet har aksjonsansvar på desse rapportane. Når rapportane har vore handsama i utvalet, skal utvalet sende saka/sakene til formannskapet.

5. Driftsutvalet sine møter.

5.a. Møteprinsipp

Driftsutvalet treff sine vedtak i møte, jfr. kommunelova §§ 30. nr.1 og 30. nr.2.

5.b. Møte

Møte i driftsutvalet skal haldast på det tidspunkt som er vedteken av kommunestyret, organet sjølv, når utvalet sin leiar finn det påkravd eller når minst 1/3 av utvalet sine medlemar krev det, jfr. kommunelova § 32.1.

Møta skal gjerast kjent på tenlegaste måte.

Møtet vert leia av utvalet sin leiar eller nestleiar, jfr. kommunelova § 32 nr.4. Har begge forfall, skal det ved fleirtalsval velgjast ein særskild møteleiar.

Utvalet sin møter skal haldast for opne dører dersom ikkje anna følgjer av lovbestemt teieplikt eller vedtak etter kommunelova § 31.

Utvalet kan vedta å handsame ei sak for lukka dører der omsynet til personvern eller andre tungtvegande private eller offentlege interesser tilseier dette. Debatt om dette skal føregå for lukka dører dersom møteleiar krev det eller utvalet vedtek det. Personalsaker skal alltid handsamast for lukka dører. Kommunelova § 31 nr. 3.

5.c. Sakliste – innkalling.

Utvalsleiar set opp sakliste for det einskilde møtet.

Driftsutvalet skal kallast inn til møte med minst 7 dagars varsel. Utvalsleiaren har ansvaret for innkallinga.

Innkallinga skal innehalde tid og stad for møtet, oversikt over saker som skal handsamast, sakspapir og anna dokumentasjon og opplysning om at saksdokumenta er lagt ut til offentlig ettersyn på rådhuset, på biblioteka i kommunen og på kommunen si internett-heimeside.

Driftsutvalet skal kallast inn med 7 dagars varsel.

Innkalling og sakliste skal sendast som e-post til

- utvalsmedlemane inkl. 1. og 2. varamedlem
- Eldrerådet i Selje kommune inkl 1. og 2. varamedlem
- Medlemene i kontrollutvalet
- Partileiarane
- Biblioteka i kommunen
- Fjordenes Tidende
- Synste Møre
- Sunnmørsposten
- NRK Sogn og Fjordane

(Utvalsleiar har fullmakt til praktiske justeringar av rutinane)

Dersom personane/verksemdene ikkje har e-postadresse, skal sakspapira sendast ut på papir. Papirutgåva skal og gå til dei ulike gruppeleiarane.

5.d. Vedtaksførheit – avrøystingar.

Driftsutvalet kan berre treffe vedtak dersom minst halvparten av medlemene har vore til stades under forhandlingane og har avgjeve røyst i vedkomande sak (kommunelova § 33).

Medlem som er til stades når ei sak vert teke opp til avrøysting, pliktar å røyste, jfr. kommunestyrelova § 40 nr. 2.

Vedtak treffast med alminneleg fleirtal av dei røyster som vert avgjevne dersom ikkje anna følgjer av lov eller herverande reglement. Ved røystelikskap i andre saker enn ved val, er møteleiar si røyst avgjerande.

Ved val kan kvar einskild medlem krevje skriftleg avrøysting. Ved val er det høve til å røyste blankt.

5.e. Endring av sakliste – førespurnader.

Driftsutvalet kan med alminneleg fleirtal vedta å utsette realitetshandsaminga av ei sak på den utsende saklista. Utvalet kan og treffe vedtak i sak som ikkje er oppført på saklista dersom møteleiar eller 1/3 av dei møtande medlemmane ikkje motset seg dette.

Eit kvart medlem kan rette førespurnader til leiar i møtet, også om saker som ikkje står på saklista.

5.f. Møterett.

Ordførar og rådmann har møte- og talerett i utvalet sine møter (kommunelova §§ 9 nr. 4 og 23 nr. 3).

5.g. Inhabilitet.

Om inhabilitet gjeld reglane i forvaltningslova kap. II, og med dei særreglar som går fram av kommunelova §§ 40 nr. 3, a, b og c og 40 nr. 4. Den som er inhabil i ei sak, kan ikkje ta del i handsaminga av vedkomande sak.

5.h. Teieplikt.

Driftsutvalet sine medlemmer og varamedlemmer har teieplikt for det dei får vite om offentlege tilhøve og nokon sitt personlege tilhøve når opplysningane er unnateke offentlegheit og/eller er underlagt teieplikt.

Straffeansvar etter straffelova sine bestemmelsar kan verte gjort gjeldande ved brot på teieplikta.

6. Sekretariat og møterett.

Rådmannen har ansvaret for sekretærfunksjonen for driftsutvalet.

7. Mindretalsanke.

I saker der driftsutvalet har avgjerslemynde, kan eit mindretal på 1/3 av medlemmane anke ei sak inn for kommunestyret.

Dersom mindretalsanke vert kravd, må denne leggjast fram skriftleg før møtet er slutt. Anken skal protokollerast.

Ordførar og rådmann sjølv kan anke ei sak inn for kommunestyret til endeleg avgjerd. Anken skal vere skriftleg og må leggjast fram før møtet er slutt. Anken skal protokollerast.

8. Andre tilhøve.

Elles vert det vist til kommunelova sine bestemmelsar, særskilt kapittel 7 om dei folkevalde sine rettar og plikter, samt aktuelle forskrifter gjeve i medhald av lova.

Som utfyllande reglar gjeld og bestemmelsane i Reglement for Selje kommunestyre så langt dei passar.